

ნარჩენების მართვის ტექნოლოგია რეგიონებში, ფაზა II (USAID WMTR II)

განაცხადების მოთხოვნის ფორმა RFA #19-007

გამოცხადების თარიღი: **04.07.2019**

USAID-ის პროგრამა ნარჩენების მართვის ტექნოლოგია რეგიონებში, ფაზა II (USAID WMTR II), რომელსაც ახორციელებს CENN, აცხადებს ქვე-გრანტს საჯარო და კერძო ავტორიზებული სკოლებისათვის მყარი საყოფაცხოვრებო ნარჩენების (პლასტმასა, ქაღალდი, შუშა, ალუმინის ქილა) წარმოქმნის შემცირებისა და სეპარირებული შეგროვების საკითხებზე. ქვე-გრანტები გაიცემა და შესაბამისი პროექტები განხორციელდება აშშ-ის საერთაშორისო განვითარების სააგენტოს (USAID), აშშ-ის მთავრობისა და CENN /WMTR II-ის რეგულაციებისა და გრანტების მართვის პოლიტიკისა და შიდა პროცედურების შესაბამისად.

აღნიშნული განაცხადების მიღების ფარგლებში USAID WMTR II პროგრამა ჩაატარებს პირველად საინფორმაციო შეხვედრებს შემდეგი განრიგით:

- **თბილისი, CENN, სალმის ქ. N15 – 8 ივლისი, 12:00**
- **თელავი, დემოკრატიული ჩართულობის ცენტრი, ვაჟა ფშაველას ქ. N3 - 9 ივლისი, 12:00**
- **გორი, დემოკრატიული ჩართულობის ცენტრი, იერუშალაიმის ქ. N 18 - 10 ივლისი, 14:00**
- **ბათუმი, დემოკრატიული ჩართულობის ცენტრი, ფარნავაზ მეფის ქ. N 33 - 11 ივლისი, 16:00**

შემდგომი საკონსულტაციო შეხვედრა შედგება **22 ივლისს, 12:00 საათზე** CENN-ში შემდეგ მისამართზე: ქ. თბილისი, სალმის ქ. N15

საკონსულტაციო შეხვედრაზე დაინტერესებულ პირებს მიეცემათ შესაძლებლობა დასვან კითხვები და მიიღონ მითითებები, თუ როგორ შეავსონ განაცხადის ფორმა.

დაინტერესებულმა პირებმა, რომლებსაც სექცია **3.1.** თანახმად უფლება აქვთ მიიღონ მონაწილეობა საგრანტო კონკურსში და სურთ დაესწრონ საკონსულტაციო შეხვედრას, უნდა დაადასტურონ მონაწილეობა სულ მცირე 2 დღით ადრე (გთხოვთ გაითვალისწინოთ, რომ წინასწარ დარეგისტრირება სავალდებულოა საკონსულტაციო შეხვედრაში მონაწილეობის მისაღებად) და გამოაგზავნონ მონაწილის სახელი, გვარი, პოზიცია და სკოლის დასახელება (ნომერი) შემდეგ ელექტრონულ მისამართზე: shorena.ebanoidze@cenn.org. ერთი სკოლიდან სამუშაო შეხვედრას შეიძლება დაესწროს სკოლის მაქსიმუმ ორი წარმომადგენელი - სავალდებულოა პედაგოგის ან სკოლის ადმინისტრაციის წარმომადგენლის დასწრება (თუ დამსწრე პირს განსაკუთრებული საჭიროებები აქვს გთხოვთ, მიუთითოთ მონაწილეობის დადასტურებისას, რომ პროგრამამ ხელი შეუწყოს აღნიშნული პირის საკონსულტაციო შეხვედრაში მონაწილეობას).

საკონსულტაციო შეხვედრაში მონაწილეობასთან დაკავშირებული ხარჯები არ ანაზღაურდება.

4 ივლისიდან 25 ივლისის 17:00 სთ-ს ჩათვლით ასევე შესაძლებელი იქნება კონსულტაციების მიღება ელფოსტით.

განაცხადების ჩაბარება უნდა მოხდეს არაუგვიანეს **2019 წლის 5 აგვისტოს 18:00 სთ.** დაგვიანებული ან შეუსაბამო განაცხადები¹ არ განიხილება.

USAID WMTR II პროგრამისა და CENN-ის თანამშრომლებს ეკრძალებათ მოითხოვონ, ხოლო აპლიკანტებს ეკრძალებათ მათ შესთავაზონ ფულადი და არაფულადი საჩუქარი, ღირებული ნივთი ან კომპენსაცია, რათა მოიპოვონ ან გასცენ არასათანადო კეთილგანწყობილი დამოკიდებულება საგრანტო განაცხადთან დაკავშირებით. პროგრამის თანამშრომლისგან ასეთი არასათანადო მოთხოვნის ნებისმიერი შემთხვევის შესახებ ინფორმაცია უნდა მიეწოდოს პროექტის ხელმძღვანელს, ქ-ნ ნინო შავგულიძეს, ელ. ფოსტის მისამართზე: nino.shavgulidze@cenn.org.

სექცია 1. ქვეგრანტის აღწერილობა

1.1. მიზანი: *ნარჩენების მართვის თანამედროვე მידგომეზის დანერგვის ხელშეწყობა, მყარი ნარჩენების წარმოქმნის შემცირებისა და სეპარირებული შეგროვების (პლასტმასა, ქაღალდი, შუშა, ალუმინის ქილა) საკითხების პოპულარიზაციის და შესაბამისი სისტემების აწყობის გზით.*

USAID WMTR II პროგრამა ქვეგრანტ(ებ)ს გასცემს საჯარო და კერძო ავტორიზებულ სკოლებზე, რომლებიც განახორციელებენ *მყარი ნარჩენების წარმოქმნის შემცირებისა და სეპარირებული შეგროვების (პლასტმასა, ქაღალდი, შუშა, ალუმინის ქილა) პოპულარიზაციისა და ასეთი მიდგომეზის დანერგვისაკენ მიმართულ საქმიანობებს.*

ქვეგრანტის ფარგლებში მოხდება ისეთი აქტივობების განხორციელება, რომლებიც ხელს შეუწყობენ სამიზნე რეგიონების მოსახლეობის ცნობიერების ამაღლებას მყარი საყოფაცხოვრებო ნარჩენების შემცირებისა და სეპარირების მნიშვნელობაზე, ასევე, შესთავაზებენ ბენეფიციარებს კონკრეტულ სისტემებს აღნიშნული საკითხების განსახორციელებლად და ხელს შეუწყობენ ამ მიდგომეზის დანერგვას.

1.2. ინფორმაცია USAID WMTR II პროგრამის შესახებ

ახორციელებს CENN, აშშ-ს საერთაშორისო განვითარების სააგენტოს (USAID) ფინანსური მხარდაჭერით.

USAID WMTR II პროგრამა საქართველოს მთავრობას ეხმარება ქვეყნის ნარჩენების მართვის სექტორის მოდერნიზებაში და მხარს უჭერს მდგრად და ინკლუზიურ ეკონომიკურ განვითარებას. პროგრამა ხელს უწყობს ბუნებრივი რესურსების პასუხისმგებლიან მართვას, რაც მინიმუმამდე დაიყვანს ადამიანის ჯანმრთელობასა და ბუნებრივ რესურსებზე ნარჩენების მიერ მიყენებულ ზიანს.

პროგრამის ძირითადი მიმართულებებია:

- ნარჩენების მართვის ინტეგრირებული სისტემის განხორციელება;
- ნარჩენების გადამამუშავებელი კერძო სექტორის განვითარების ხელშეწყობა;
- ნარჩენების უკანონო განთავსების ჯარიმების სისტემისა და სატარიფო პოლიტიკის განხორციელების გაუმჯობესება;
- საზოგადოების ცნობიერების ამაღლება.

¹ შეუსაბამო განაცხადი, რომელიც არ იქნება შევსებული # RFA #19-006-ის აპლიკაციის ფორმაში და არ ექნება თანდართული განაცხადით მოთხოვნილი ყველა აუცილებელი დოკუმენტაცია

1.3. ქვეგრანტის დეტალური აღწერილობა

ნარჩენების მართვის ეროვნული სტრატეგიისა და სამოქმედო გეგმის მე-5 მიზანი ქვეყანაში ნარჩენების პრევენციის, ხელახალი გამოყენების, რეციკლირებისა ან/და აღდგენის ხელშეწყობას და შესაბამისი სისტემების დანერგვას ემსახურება. სტრატეგიის და სამოქმედო გეგმის დოკუმენტები ასევე მოიცავს კონკრეტულ ინდიკატორებს, გამოსახულს რიცხვებში, რომელთა მიღწევაც ქვეყნის ვალდებულებაა. ამავდროულად, საქართველოს კანონის - ნარჩენების მართვის კოდექსის თანახმად, 2019 წლის თებერვლიდან მუნიციპალიტეტებმა უნდა უზრუნველყონ მუნიციპალური ნარჩენების სეპარირებული შეგროვების სისტემების ეტაპობრივი დანერგვა და გამართული ფუნქციონირება.

USAID WMTR II პროგრამა ხელს უწყობს ნარჩენების მართვის სექტორის მოდერნიზებას, სამიზნე რეგიონებში ნარჩენების მართვის თანამედროვე მიდგომების - პრევენცია/შემცირება, ხელახალი გამოყენება, რეციკლირება ან/და აღდგენა - დანერგვით, რომლებიც ამცირებენ გარემოსა და ადამიანის ჯანმრთელობაზე უარყოფით ზემოქმედებას და განაპირობებენ ქვეყნის ეკონომიკურ განვითარებას.

ამისათვის, წინამდებარე ქვეგრანტის განაცხადის ფარგლებში USAID WMTR II პროგრამის სამიზნე რეგიონების საჯარო და კერძო ავტორიზებულ სკოლებს საშუალება ეძლევათ, წარმოადგინონ საპროექტო წინადადებები მყარი საყოფაცხოვრებო ნარჩენების წარმოქმნის შემცირებისა და სეპარირებული შეგროვების (პლასტმასა, ქაღალდი, შუშა, ალუმინის ქილა) პოპულარიზაციისა და ასეთი სისტემების დანერგვისაკენ მიმართულ საქმიანობებზე. სავალდებულოა, რომ საქმიანობები განხორციელდეს USAID WMTR II პროგრამის სამიზნე რეგიონ(ებ)ში - ქალაქი თბილისი, კახეთი, შიდა ქართლი, აჭარის არ. (შესაძლოა შეირჩეს ერთი, ორი, სამი, ან ყველა რეგიონი/მუნიციპალიტეტი ერთად).

აპლიკანტის მიერ საპროექტო განაცხადში წარმოდგენილმა აქტივობებმა ხელი უნდა შეუწყოს საზოგადოების ცნობიერების გაზრდას მყარი ნარჩენების შემცირების და სეპარირებული შეგროვების მნიშვნელობაზე. მაგალითად, ნარჩენების წარმოქმნის შემცირებაზე მიმართული აქტივობები შესაძლოა მოიცავდეს სემინარებს, ტრენინგებს, კონკურსებს და ამავდროულად უნდა მოხდეს სკოლებში ამ მიდგომის დანერგვა; მაგ. უარის თქმა პლასტმასის ნივთების გამოყენებაზე, ქაღალდის მოხმარების შემცირება, ნარჩენების სეპარირება, (შესაძლოა მოხდეს მხოლოდ ქაღალდის, ან პლასტმასის, ან შუშის ან ალუმინის სეპარირება), ორი, სამი ან ყველა ნაკადის ნარჩენის დახარისხება. ამ შემთხვევაში, ასევე უნდა განისაზღვროს კომპანია, რომელიც გაიტანს დახარისხებულ ნარჩენს შემდგომი გადამუშავების მიზნით. მნიშვნელოვანია, რომ მიღწეული შედეგები იყოს გაზომვადი, ხოლო თავად აქტივობები მდგრადი. სავალდებულოა, რომ აპლიკანტმა წარმოადგინოს აქტივობების მონიტორინგის გეგმა.

სავალდებულო პირობაა, რომ აპლიკანტი სკოლები მდებარეობდნენ USAID WMTR II პროგრამის სამიზნე რეგიონებში - აჭარა, შიდა ქართლი, კახეთი და ქალაქი თბილისი.

აპლიკანტის საპროექტო წინადადება, ორიენტირებული უნდა იყოს შემდეგი შედეგების მიღებაზე:

- სამიზნე ჯგუფების ინფორმირება და ცნობიერების ამაღლება ნარჩენების წარმოქმნის შემცირების და სეპარაციის შესახებ;
- ნარჩენების წარმოქმნის რაოდენობის შემცირება შერჩეულ სკოლებში;
- ნარჩენების სეპარირებული შეგროვების სისტემის დანერგვა შერჩეულ სკოლებში;

- სამიზნე ჯგუფების ჩართულობის უზრუნველყოფა ნარჩენების სეპარირების პროცესში;
- სეპარირებულად შეგროვებული ნარჩენების რაოდენობის ზრდა.

მნიშვნელოვანია, რომ შედეგები იყოს გაზომვადი/გამოსახული რიცხვებში და მდგრადი.

1.4. უფლებამოსილება/მაკონტროლებელი რეგულაციები

USAID WMTR II პროგრამის ქვეგრანტები გაიცემა აშშ-ის საერთაშორისო განვითარების სააგენტოს (USAID) უფლებამოსილებით და უნდა შეესაბამებოდეს USAID-ის სტანდარტულ დებულებებში და ასევე, USAID WMTR II პროგრამის ქვეგრანტების სახელმძღვანელოში წარმოდგენილ წესებს. ამას გარდა, აპლიკანტებმა უნდა დაიცვან ხარჯების მართვის პრინციპები, რომლებიც მითითებულია შემდეგ დოკუმენტებში:

- 2 CFR 200 [Uniform Administrative Requirements, Cost Principles, and Audit Requirements for Federal Awards, Subpart E](#)
- 2 CFR 200-ის სრული ტექსტი იხილეთ: http://www.ecfr.gov/cgi-bin/text-idx?tpl=/ecfrbrowse/Title02/2cfr200_main_02.tpl და 2 CFR 700: <http://www.ecfr.gov/cgi-bin/text-idx?SID=531ffcc47b660d86ca8bbc5a64eed128&mc=true&node=pt2.1.700&rgn=div5>.

USAID WMTR II პროგრამამ უნდა უზრუნველყოს, რომ USAID-ის ქვეგრანტის მიმღები ყველა ორგანიზაცია შეესაბამებოდეს ზემოაღნიშნულ რეგულაციებში მოცემულ მითითებებსა და ქვეგრანტის შესაბამის წესებსა და პირობებს.

USAID WMTR II პროგრამის ქვეგრანტის ფარგლებში, USAID იტოვებს უფლებას, ნებისმიერ დროს მთლიანად ან ნაწილობრივ შეწყვიტოს ქვეგრანტის განხორციელების უფლებამოსილება.

სექცია 2. ინფორმაცია ქვეგრანტის გაცემის შესახებ

USAID WMTR II პროგრამის მიერ გაცემული ერთი ქვეგრანტის მაქსიმალური თანხა **შეადგენს 600 აშშ დოლარის ექვივალენტს ლარში**.

ქვეგრანტი იქნება არაფულადი ტიპის, რომლის ფარგლებშიც USAID/WMTTR II თავად უზრუნველყოფს აპლიკანტისთვის განაცხადით გათვალისწინებული საქმიანობების განსახორციელებლად და საჭირო მასალების / ნივთების (საკანცელარიო ნივთები, ა.შ.) შეძენას.

საბოლოო თანხა დამოკიდებული იქნება ქვეგრანტით გათვალისწინებულ აქტივობებზე და საბოლოო მოლაპარაკებებზე და შეიძლება იყოს ზემოაღნიშნულ ზღვრულ თანხაზე დაბალი.

ქვეგრანტის ხანგრძლივობა მოცემული შეთავაზების ფარგლებში არ უნდა აღემატებოდეს **6 თვეს**.

საგრანტო კონკურსში გამარჯვებული სკოლები, ქვეგრანტის მიღებისა და განხორციელების შემდგომ, მოწვევულები იქნებიან 2 დღიან გასვლით ფორუმზე, სადაც შეძლებენ წარადგინონ განხორციელებული პროექტები, გააკეთონ პრეზენტაცია ჩატარებულ სამუშაოზე და გაუზიარონ ერთმანეთს მიღებული გამოცდილება.

სექცია 3. შესაბამისობა

3.1. ვის შეუძლია ქვე-გრანტის მიღება.

- აპლიკანტი უნდა იყოს საჯარო ან კერძო ავტორიზებული სკოლა.
- აპლიკანტებს აქვთ უფლება წარადგინონ მხოლოდ ერთი განაცხადი.

3.2. დამატებითი ინფორმაცია აპლიკანტებისათვის.

- უპირატესობა მიენიჭება სკოლებს, სადაც ფუნქციონირებს ეკოკლუბი, რომელსაც განხორციელებული აქვს სხვადასხვა გარემოსდაცვითი აქტივობა.
- აპლიკანტებმა უნდა წარმოადგინონ (ასეთის არსებობის შემთხვევაში) წარსულში წარმატებით განხორციელებული პროექტი(ები)ს ჩამონათვალი.
- განაცხადში აპლიკანტებმა უნდა აჩვენონ გამართული ფინანსურ-ადმინისტრაციული და ტექნიკური სისტემის არსებობა შესაბამისი პროცედურების სახით, რომელიც იცავს აქტივებს თაღლითობისგან, გაფლანგვისგან და ბოროტად გამოყენებისგან და ხელს უწყობს ქვეგრანტის მიზნებისა და ამოცანების მიღწევას. **USAID WMTR II პროგრამა ქვეგრანტის მინიჭებამდე ჩაატარებს შერჩეული ორგანიზაცი(ებ)ის შესაბამისობის შეფასებას.**
- აპლიკანტი ვალდებული იქნება, ხელი მოაწეროს ქვემოთ წარმოდგენილ სერტიფიკატებს უშუალოდ ქვეგრანტის მიღებამდე, ქვეგრანტის დამტკიცების შემთხვევაში:
 - „*ორგანიზაციის მიერ ვადაგადაცემული გადასახადით გამოწვეულ პასუხისმგებლობასთან ან ნასამართლეობასთან დაკავშირებით ორგანიზაციის წარმომადგენლობის*“ სერტიფიკატი (AAPD 14-03, 2014 წლის აგვისტო)“
 - *ფედერალური დახმარების გაწევის აკრძალვა ისეთი ორგანიზაციებისთვის, რომლებზეც ვრცელდება გარკვეული საიდუმლო ინფორმაციის გაუხმაურებლობის შესახებ შეთანხმებები (2015 წლის აპრილის ვერსია)*
- USAID WMTR II პროგრამა დაეხმარება წარმატებულ ქვეგრანტის მაძიებელს მარკირებისა და ბრენდირების გეგმის შემუშავებაში, რომელიც დაერთვება ქვეგრანტის ხელშეკრულებას.

სექცია 4 – ინფორმაცია განაცხადის წარდგენის შესახებ

4.1. ქვეგრანტის განაცხადი

აპლიკაციის შემუშავებისას გამოსაყენებელი შაბლონები მოცემულია დანართში 1-5. აპლიკანტებმა მოცემული ფორმატით უნდა წარმოადგინონ საგრანტო განაცხადი დანართებთან ერთად და მიჰყვანონ აღნიშნულ დანართებში მოცემულ ინსტრუქციებსა და მითითებებს.

განაცხადს ხელს უნდა აწერდეს აპლიკანტის უფლებამოსილი წარმომადგენელი.

4.2. დაუშვებელი ხარჯები

არ შეიძლება USAID WMTR II პროგრამის ქვეგრანტის სახსრების შემდეგი მიზნებისთვის გამოყენება:



- ნებისმიერი სახის სამშენებლო და/ან სარემონტო აქტივობები;
- ცერემონიებთან, წვეულებებთან, აღნიშვნებთან დაკავშირებული ხარჯები;
- წარმომადგენლობითი ხარჯები;
- აკრძალული საქონელი (მათ შორის USAID-ის რეგულაციებით აკრძალული საქონელი), რომელიც მოიცავს მაგრამ არ შემოიფარგლება: აბორტის ჩასატარებლად გამოსაყენებელი აღჭურვილობით და მომსახურებით, ფუფუნების საგნებით და ა.შ.;
- ალკოჰოლური სასმელები;
- ისეთი შესყიდვა ან აქტივობა, რომელსაც უკვე ჰქონდა ადგილი;
- ისეთი შესყიდვები ან აქტივობები, რომელთა განხორციელებასაც USAID WMTR II პროგრამა ქვეგრანტის მიზნებისთვის აუცილებლად ვერ ჩათვლის;
- ქვეგრანტის მამიებელზე წარსულში დაკისრებული ვალები, ჯარიმები, საურავები და/ან მათთან დაკავშირებული ვალდებულებები.
- ფულადი შეწირულობის გაკეთება;
- იმ საქონლის ან მომსახურების შეძენა, რომელთა მომწოდებელი/მწარმოებელი ქვეყანა მოქცეულია USAID-ის აკრძალული ქვეყნების ჩამონათვალში; <https://www.usaid.gov/sites/default/files/documents/1876/310.pdf>
- შეზღუდულია USAID WMTR II პროგრამის წინასწარი თანხმობის გარეშე, ისეთი საქონლის შესყიდვა, როგორიცაა: სასოფლო-სამეურნეო საქონელი, ძრავიანი სატრანსპორტო საშუალებები (მოტოციკლების ჩათვლით), ფარმაცევტული ნაწარმი, სამედიცინო აპარატურა, კონტრაცეპტული საშუალებები, მეორადი აპარატურა, პესტიციდები და სასუქები (იხილეთ ADS Chapter 312 Eligibility of Commodities).

4.3. ინფორმაცია განაცხადის წარდგენის შესახებ

საგრანტო განაცხადის ჩაბარება უნდა მოხდეს ქართულ ენაზე და არ უნდა აღემატებოდეს **20 გვერდს**.

აპლიკაციის (ტექნიკური შემოთავაზება, ბიუჯეტი და დამხმარე დოკუმენტაცია) ჩაბარება შესაძლებელია ელექტრონული ან ბეჭდვითი ფორმით ქვემოთ მოცემულ მისამართებზე. ელექტრონულად გამოგზავნის შემთხვევაში სათაურის ველში მითითებული უნდა იყოს ქვეგრანტის განაცხადის ნომერი **RFA #19-007**.

განაცხადების ჩაბარება უნდა მოხდეს არაუგვიანეს **2019 წლის 5 აგვისტოს 18:00 სთ.** დაგვიანებული ან შეუსაბამო განაცხადები² არ განიხილება.

პროგრამის დასახელება: *ნარჩენების მართვის ტექნოლოგია რეგიონებში, ფაზა II (USAID WMTR II)*

მისამართი: *საქართველო,
ქ. თბილისი, 0105
ბეთლემის ქუჩა #27*

ელექტრონული ფოსტა: shorena.ebanoidze@cenn.org

შევსებული აპლიკაციის ფორმისა და შესაბამისი დანართების გარდა, აპლიკანტებმა USAID WMTR II პროგრამას უნდა წარუდგინონ შემდეგი დოკუმენტები:

- განახლებული ამონაწერი მეწარმეთა და არასამეწარმეო (არაკომერციულ) იურიდიულ პირთა რეესტრიდან;
- ავტორიზაციის დამადასტურებელი დოკუმენტაცია (კერძო სკოლის შემთხვევაში);

² შეუსაბამო განაცხადი, რომელიც არ იქნება შევსებული # RFA #19-006-ის აპლიკაციის ფორმით და არ ექნება თანდართული განაცხადით მოთხოვნილი ყველა აუცილებელი დოკუმენტაცია.



- აუდიტორის მიერ შემოწმებული აპლიკანტის ბოლო ფინანსური ანგარიშგების ასლი (ასეთის არსებობის შემთხვევაში).

წინამდებარე შეთავაზებასთან დაკავშირებული ყველა კითხვა გაუგზავნეთ შორენა ებანოიდძეს, USAID WMTR II პროგრამის გრანტებისა და ფინანსების მენეჯერს, ელექტრონულ ფოსტის მისამართზე shorena.ebanoidze@cenn.org.

სექცია 5. აპლიკაციის შეფასების კრიტერიუმები

განაცხადი შეფასდება შემდეგი კრიტერიუმების მიხედვით:

შესაფასებელი კატეგორია	რეიტინგი (ქულები)
ქვეგრანტის მიზანშეწონილობა და ტექნიკური მიდგომა	30
გავლენა სამიზნე ჯგუფებზე და ბენეფიციარებზე	20
ქვეგრანტის მდგრადობა	20
მენეჯერული და პროგრამული შესაძლებლობები	10
ბიუჯეტის ეფექტიანობა	10
წარსული ან მიმდინარე გამოცდილება	5
გენდერული ბალანსი	5
ჯამური რეიტინგი (მაქსიმუმი - 100 ქულა)	100

ქვემოთ დეტალურადაა აღწერილი შეფასების კრიტერიუმების ელემენტები.

- ქვეგრანტის მიზანშეწონილობა და ტექნიკური მიდგომა.** შეფასდება შემოთავაზებული პროექტის განხორციელებადობა, მეთოდოლოგიის შესაბამისობა დასახულ მიზნებთან, ინოვაციურობა და პროექტის სამუშაო გეგმა, რომელიც ხელს შეუწყობს სკოლაში და თემში ნარჩენების თანამედროვე მიდგომების დანერგვას და, შესაბამისად, წვლილს შეიტანს ნარჩენების მართვის სექტორის განვითარებაში. ტექნიკურ მიდგომას უშუალო წვლილი უნდა შეჰქონდეს USAID WMTR II პროგრამის მოსალოდნელი შედეგების მიღწევაში და სამუშაოს შესრულებაში და უნდა იყოს გაზომვადი. **30 ქულა**
- გავლენა სამიზნე ჯგუფებზე და ბენეფიციარებზე.** შეფასდება, თუ რამდენად შეესაბამება შემოთავაზებული პროექტი სამიზნე ჯგუფ(ებ)ის და ბენეფიციარების / თემის საჭიროებებს და რამდენად სასარგებლო იქნება უშუალოდ მათთვის. **20 ქულა**
- ქვეგრანტის მდგრადობა.** შეფასდება, თუ როგორ გაგრძელდება პროექტი ან მისი რომელიმე კომპონენტი პროექტის დასრულების შემდეგ. **20 ქულა**
- მენეჯერული და პროგრამული შესაძლებლობები.** შეფასდება ის, თუ რამდენად შეძლებს გრანტის მამდიბელი განხორციელოს შემოთავაზებული აქტივობები და ხელი შეუწყოს ნარჩენების მართვის სექტორის განვითარებას. **10 ქულა**
- ბიუჯეტის ეფექტიანობა.** შეფასდება ის, თუ რამდენად რელევანტური და რეალისტურია ბიუჯეტი და რამდენად ასახავს ქვეგრანტის რესურსების ოპტიმალურ მოხმარებას. **10 ქულა**
- წარსული ან მიმდინარე გამოცდილება.** შეფასდება წარსული ან მიმდინარე გამოცდილება მსგავსი აქტივობების განხორციელებაში. **5 ქულა**

7. **გენდერული ბალანსი.** შეფასდება ის, თუ რამდენად არის დაცული გენდერული ბალანსი ქვე-გრანტის განხორციელებისას, ან რას გეგმავს სკოლა ამ კუთხით. **5 ქულა**

სექცია 6. ინფორმაცია გრანტის გაცემისა და ადმინისტრირების შესახებ

ყველა ქვეგრანტი შეთანხმდება აშშ. დოლარში და დაფინანსდება ადგილობრივ ვალუტაში - ლარში.

ქვეგრანტის მიერ დაფინანსებული ყველა ხარჯი უნდა იყოს ნებადართული, საქმიანობასთან დაკავშირებული და დასაბუთებული. ქვეგრანტის განაცხადს თან უნდა ერთვოდეს დეტალური და რეალისტური ბიუჯეტი, როგორც ეს აღწერილია მე-4 სექციაში.

წინამდებარე განაცხადის მოთხოვნის ფორმის გამოქვეყნება და განაცხადის შემუშავებაში დახმარების გაწევა არ წარმოადგენს USAID WMTR II პროგრამის მხრიდან გრანტის მიღებას ან რაიმე დაპირებას, ან ვალდებულებას დაფაროს განაცხადის მომზადებასა და ჩაბარებისას გაწეული ხარჯები. გარდა ამისა, USAID WMTR II პროგრამა იტოვებს უფლებას, მოიწონოს ან უარი თქვას ნებისმიერ შემოტანილ განაცხადზე. ასევე, იტოვებს უფლებას, მოითხოვოს განაცხადის შემომტანებისგან შემდგომი განმარტებები და დამატებითი დოკუმენტები. შერჩევის პროცესის დასრულების შემდეგ აპლიკანტებს წერილობით აცნობებენ მათ მიერ შემოტანილ განაცხადთან დაკავშირებულ გადაწყვეტილებას.

დანართების ჩამონათვალი:

დანართი 1 – ქვეგრანტის განაცხადის ფორმა

დანართი 2 – ქვეგრანტის შევსების ინსტრუქცია

დანართი 3 – ქვეგრანტის განხორციელების გეგმის შესრულების დროითი ვადები

დანართი 4 – ქვეგრანტის მონიტორინგის, შეფასების ინდიკატორებისა და შედეგების ფორმა

დანართი 5 – ქვეგრანტის დეტალური ბიუჯეტის ფორმა (Excel)